

Monchoachi

Mawonnez

Jòdi jou gran jou
Jòdi jou bel jou
Mawonnez pran bwa

Jòdi jou gran jou
Jòdi jou bel jou,
An mawonnez véyé
Lè lalin-an séré
Pou li pran bwa :
I fè chimen dèyè,
Maché anlè kabrit bwa
Met kritchet ka babyé,
Rété pou dézod pé,
Pé dézod kò'y,
É vwéyé koy alé
Adan lannuit nwè a...

An fanm lévé,
An fanm doubout
Savann-an pri difé !
Dépi jou nègres-la
Planté an péyi-a
Ka alé, ka vini,
Ka swen, ka swé,
Ka pòté é sipòté,
Ka bat é ka débat,
Tet dwet, tet fiè
Ren maré, nen trousé
Bien kanpé anlè dé pié'y
Asou tè péyi-a.
Kò'y menm sé tout an péyi ;
Tout kò'ay sé péyi-a menm !

Èvè chimen, èvè tras
Èvè fréchè, èvè chalè,
Èvè ravin
...Épi mòn
Ka rébondi pa tout bò ;
An péyi vidjò
Ki tini bon balan an kò'y...

An nonm gadé
Dé zyé kléré :
« Jey mal fanm ! »
Jòdi jou bel jou
Tout fanm lévé !
Tout fanm doubout !
Simen difé an savann-an !